

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

দক্ষিণ এশিয়ার নারীদের অংশগ্রহণে ঢাকায় অনুষ্ঠিত হচ্ছে জ্বালানি ব্যবস্থাপনা কর্মশালা

ঢাকা, ১৮ই নভেম্বর -- “দক্ষ জ্বালানি ব্যবস্থাপনা ও নবায়নযোগ্য জ্বালানি” শীর্ষক দ্বিতীয় কর্মশালায় দক্ষিণ এশিয়ার বিভিন্ন দেশের নারীরা অংশগ্রহণ করছে। এই কর্মশালা এ বছর এপ্রিলে ইউএসএআইডি'র পৃষ্ঠপোষকতায় ভারতের কেরালায় অনুষ্ঠিত “জ্বালানিতে নারী” শীর্ষক কর্মশালার ধারাবাহিকতা। কেরালা কর্মশালার উদ্দেশ্য ছিল বাসাবাড়ি এবং কম্যুনিটি পর্যায়ে দক্ষ জ্বালানি ব্যবস্থাপনায় দক্ষিণ এশিয়ার নারীদের জ্ঞান ও দক্ষতা তৈরি করা। পরবর্তীতে “কেরালা ঘোষণা” নামে এই কর্মশালা থেকে উঠে আসা সুপারিশের ভিত্তিতে গড়ে উঠে “জ্বালানিতে দক্ষিণ এশিয়ার নারী” (এসএডব্লিউআইই) নেটওয়ার্ক। এর ম্যানেজেট হচ্ছে জ্বালানি-দক্ষতায় উত্তম অনুশীলনসমূহ দক্ষিণ এশিয়া জুড়ে অনুকরণ করা।

ঢাকা কর্মশালা জ্বালানি সংরক্ষণ প্রযুক্তির উপর আলোকপাত করে এই অঞ্চলের উত্তম অনুশীলনসমূহ প্রদর্শন এবং জ্বালানি ব্যবস্থাপনা বিষয়ক নতুন তথ্য বিনিময় করবে। এছাড়া, অংশগ্রহণকারীরা নবায়নযোগ্য প্রযুক্তি ও মাঠ পর্যায়ে জ্বালানি-দক্ষ যন্ত্রপাতিসমূহের প্রদর্শনী সরাসরি প্রত্যক্ষ করবে। অংশগ্রহণকারীরা নিজের চোখে দেখবে “সৌর গৃহ পদ্ধতি” এবং রান্নার জন্য একটি উন্নত মানের চুলা যাতে শতকরা ৫০ ভাগ কম জ্বালানি কাঠ ব্যবহার করতে হয় এবং এতে করে বাসাবাড়ীতে জ্বালানি প্রাপ্তি বৃদ্ধি পায়। এসব ব্যবস্থা হতদরিদ্র নারীদের জন্য কর্মসংস্থান ও আয়ের সুযোগও তৈরী করে দেয়।

ইউএসএআইডি জ্বালানি বিষয়ক দক্ষিণ এশিয়া আঞ্চলিক উদ্যোগ (ইউএসএআইডি/এসএআরআই), ইউএনডিপি এবং বাংলাদেশ নবায়নযোগ্য জ্বালানি সমিতি যৌথভাবে এই কর্মশালার পৃষ্ঠপোষকতা করছে। আঞ্চলিক জ্বালানি সম্পদের দক্ষ ব্যবহারে সুবিধা প্রদান, স্বচ্ছ ও লাভজনক জ্বালানি ব্যবহার অনুশীলন বৃদ্ধি, জ্বালানি উৎপাদনের পরিবেশগত প্রভাব প্রশমন এবং আঞ্চলিকভাবে দূষণমুক্ত জ্বালানি প্রাপ্তি বৃদ্ধির মাধ্যমে ইউএসএআইডি/এসএআরআই জ্বালানি নিরাপত্তার উন্নয়ন করে থাকে।

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

১৯৭১ সাল থেকে যুক্তরাষ্ট্র সরকার পাঁচ বিলিয়ন ডলারেরও বেশি বাংলাদেশকে উন্নয়ন সহায়তা দিয়েছে।

বাংলাদেশকে দেয়া যুক্তরাষ্ট্র সরকারের এসব সহায়তার মধ্যে রয়েছে অবাধ, সুষ্ঠ ও বিশ্বাসযোগ্য নির্বাচন এবং
অধিক সচ্ছ ও জবাবদিহিতামূলক শাসনব্যবস্থার জন্য সহায়তা; অপেক্ষাকৃত শিক্ষিত, স্বাস্থ্যবান ও অধিক
উৎপাদনশীল জাতি গঠনে সহায়তা; সুষম অর্থনৈতিক উন্নয়নের মাধ্যমে অর্থনৈতিক সুযোগ-সুবিধা বৃদ্ধিতে অর্থ
যোগান; খাদ্য সহায়তা; এবং দুর্যোগ প্রশমনে সহায়তা প্রদান।

=====

জিআর/২০০৮

দ্রষ্টব্য: এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে
আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮-৩৭১৫০-৮, ফ্যাক্স: ৯৮৮৫৬৮৮; ই-
মেইল: DhakaPA@state.gov এবং ওয়েবসাইট: dhaka.usembassy.gov) যোগাযোগ করুন।